



ბ ა ნ ჩ ი ნ ე ბ ა  
საქართველოს სახელით

16 მარტი, 2011 წ.

ქ. თბილისი

თბილისის სააპელაციო სასამართლო  
ადმინისტრაციულ საქმეთა პალატა

მოსამართლე — ნანა კობახიძე

**აპელანტი** — საქართველოს იუსტიციის სამინისტროს სისიპ საჯარო რეესტრის ეროვნული სააგენტო

**აპელანტი** — საქართველოს იუსტიციის სამინისტროს სისიპ საჯარო რეესტრის ეროვნული სააგენტოს თბილისის სარეგისტრაციო სამსახური

**მოწინააღმდეგე მხარე** — თორნიკე ზუფენია

**მესამე პირი** — იოსებ კენჭაძე

**მესამე პირი** — „შპს „იბერია სითი“

**მესამე პირი** — სისიპ აღსრულების ეროვნული ბიუროს თბილისის სააღსრულებო ბიურო

**დავის საგანი** — ინდივიდუალური ადმინისტრაციულ-სამართლებრივი აქტების ბათილად ცნობა, საჯარო რეესტრის ჩანაწერში ტექნიკური ხარვეზის შესწორების დავალდებულება

**გასაჩივრებული გადაწყვეტილება** — თბილისის საქალაქო სასამართლოს ადმინისტრაციულ საქმეთა კოლეგიის 2010 წლის 19 ნოემბრის გადაწყვეტილება.

ზეპირი მოსმენის გარეშე განიხილა მხარეთათვის საჯარო შეტყობინების შესახებ საკითხი

ბ ა მ ო ა რ პ ბ ი ა:

თბილისის საქალაქო სასამართლოს ადმინისტრაციულ საქმეთა კოლეგიის 2010 წლის 19 ნოემბრის გადაწყვეტილებით, თორნიკე ზუფენიას სარჩელი დაკმაყოფილდა ნაწილობრივ.

აღნიშნული გადაწყვეტილება სააპელაციო წესით გასაჩივრებულ იქნა მოპასუხების — საჯარო რეესტრის ეროვნული სააგენტოსა და საჯარო რეესტრის ეროვნული სააგენტოს თბილისის სარეგისტრაციო სამსახურის მიერ, რომლებმაც მოითხოვეს გასაჩივრებული გადაწყვეტილების გაუქმება და ახალი გადაწყვეტილებით მოსარჩელისათვის სარჩელის დაკმაყოფილებაზე უარის თქმა.

2011 წლის 07 მარტს, თორნიკე ზუფენიას წარმომადგენლმა პაატა კიკიძემ წარმოადგინა შეგებებული სააპელაციო საჩივარი, რომლითაც მოითხოვა 2010 წლის

19 ნოემბრის გადაწყვეტილების შეცვლა და ახალი გადაწყვეტილების მიღებით სარჩელის სრულად დაკმაყოფილება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გათვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიიჩნევს, რომ ვინაიდან, მესამე პირის – შპს „იბერია სითის“ ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, მიზანშეწონილია ამ უკანასკნელს საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მესამე პირის – შპს „იბერია სითის“ ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, ამ უკანასკნელს სასამართლო უწყების შინაარსი ეცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე ([www.tbappeal.court.ge](http://www.tbappeal.court.ge)).

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით

#### დ ა ა დ ბ ი ნ ა:

1. შპს „იბერია სითის“ საჯარო შეტყობინებით ეცნობოს, რომ საქართველოს იუსტიციის სამინისტროს სიპ საჯარო რეესტრის ეროვნული სააგენტოსა და სიპ საჯარო რეესტრის ეროვნული სააგენტოს თბილისის სარეგისტრაციო სამსახურის, ასევე თორნიკე ხუფენიას სააპელაციო საჩივრების ზეპირი განხილვა, თბილისის საქალაქო სასამართლოს 2010 წლის 19 ნოემბრის 2

- გადაწყვეტილებაზე, დანიშნულია თბილისის სააპელაციო სასამართლოში 2011 წლის 29 მარტს, 10:00 საათზე, სხდომის დარბაზი №14 (თბილისი, გრ. რობაქიძის გამზ. №7<sup>ა</sup>); სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე ([www.tbappeal.court.ge](http://www.tbappeal.court.ge)).
2. სხდომაზე დასაბარებელი პირი გაფრთხილებულ იქნეს, რომ არასაპატიო მიზეზით გამოუცხადებლობის შემთხვევაში, სასამართლო მის დაუსწრებლად გამოიტანს გადაწყვეტილებას საქმეში არსებული მასალების და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით;
  3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებგვერდზე განთავსებიდან მე-7 დღეს.
  4. განჩინება შეიძლება გასაჩივრდეს თბილისის სააპელაციო სასამართლოს მიერ მიღებულ შემაჯამებელ გადაწყვეტილებასთან ერთად, ამ უკანასკნელის გასაჩივრებისათვის დადგენილი წესით.

მოსამართლე:

ნანა კობახიძე